

24 de Marzo 2022

NOTA DE PRENSA

Tres estudantes que cursan os Ciclos Formativos de Grao Medio de Cociña e gastronomía e Servizos en restauración do CPR Belarmino Fernández Iglesias comeza a súa Formación en Centros de Traballo (FCT) en Europa grazas ao programa Erasmus+

O CPR Belarmino Fernández Iglesias, en Rosende (Sober) participa no programa Erasmus+ co seu proxecto 2019-1-ES01-KA102-062657 EVT FUNDACIÓN BELARMINO FERNÁNDEZ IGLESIAS HOSTELERÍA RIBEIRA SACRA.

Este proxecto Erasmus+ vaille dar a oportunidade a un estudante do Ciclo Formativo de Grao Medio de Servizos en Restauración e a dous estudantes do Ciclo Formativo de Grao Medio de Cociña e Gastronomía de poder realizar as prácticas correspondentes ao módulo FCT de cada unha destas especialidades en empresas hostaleiras de Finlandia e Italia dende o próximo 28 de marzo ata o 18 de maio, o que lles permitirá mellorar a súa formación desenrolando o seu labor en restaurantes do estranxeiro, ademais de favorecer a aprendizaxe das linguas propias do país de acollida e coñecer outras culturas. Este proxecto Erasmus+ da Unión Europea tamén contempla a mobilidade do profesorado e da coordinadora do programa do centro CPR Belarmino Fernández Iglesias que, dende o 28 de marzo ata o 1 de abril, poderá coñecer de primeira man como outras entidades ou socios de acollida de Finlandia desenvolven a súa actividade para levar a cabo estes proxectos e fomentar futuros intercambios con outras institucións europeas. A directora do centro e coordinadora do programa Erasmus+, Rebeca Vázquez Iglesias, indica “Este proxecto está concedido dende 2019 pero debido á pandemia ningún alumno/a puido realizar estas mobilidades. Estamos encantados de que, por fin, o noso Centro participe en Erasmus+ e que algún dos nosos estudantes poidan levar a cabo as prácticas no estranxeiro, para eles é unha oportunidade única de coñecer outros países, outras culturas e outras linguas que ó mellor polo feito de vivir no rural non poderían, tamén para o Centro xa que nos permite avanzar na internacionalización educativa e para os hostaleiros da zona xa que poderán contar nas súas plantillas con profesionais formados a nivel europeo”.

Erasmus+ 2021-2027 é o renovado programa da Unión Europea nos ámbitos da educación e a formación, mocidade e deporte, que ofrece oportunidades para todas as persoas e en todos os sectores educativos (Educación Escolar, Formación Profesional, Educación Superior e Educación de Persoas Adultas). Este novo Erasmus+ é máis internacional, máis inclusivo, máis dixital e máis ecolóxico, apoiando a transformación dixital, a inclusión e a diversidade, ademais do medio ambiente e a loita contra o cambio climático. Cun orzamento de máis de 28.000 millóns de euros, financiaranse proxectos de mobilidade e cooperación transfronteiriza relacionados coa aprendizaxe para 10 millóns de persoas de todas as idades e de todas as orixes. En España, o programa Erasmus+ xestiónase por parte do Servizo Español para a Internacionalización da Educación (SEPIE), organismo público adscrito ao Ministerio de Universidades que actúa como Axencia Nacional do programa nos ámbitos da educación e a formación.

NOTAS ÓS REDACTORES

Para obter máis información sobre o proxecto ERASMUS+ 2019-1-ES01-KA102-062657 EVT FUNDACIÓN BELARMINO FERNÁNDEZ IGLESIAS HOSTELERÍA RIBEIRA SACRA, por favor póñanse en

contacto con nós a través de noso email cpr.belarmino@edu.xunta.gal ou chamando ao teléfono 982460469. Tamén poden consultar a nosa web <https://fundacionbelarminofernandez.com/erasmus/> ou as nosas redes sociais:

- Twitter: @CPRBelarminoFdz
- Facebook: www.facebook.com/fundacionbelarminofdez
- Instagram: @fundacionbelarminofdez

Acerca do programa Erasmus+

O novo programa Erasmus+ 2021-2027 ten como obxectivo principal, no ámbito da educación e a formación, a promoción da mobilidade educativa das persoas e os colectivos, tanto do alumnado como do persoal, así como a cooperación, a calidade, a inclusión e a equidade, a excelencia, a creatividade e a innovación a nivel das organizacións e as políticas. En relación coas políticas educativas europeas, en especial ao co Espazo Europeo de Educación 2025, as prioridades do Programa son a inclusión e diversidade, a transformación dixital, o medio ambiente e a loita contra o cambio climático, e a participación na vida democrática. O Programa articúlase ao redor de tres liñas principais de actividade ou accións clave (KA), ademais da acción Jean Monnet:

A acción clave 1 (KA1), mobilidade das persoas por motivos de aprendizaxe.

A acción clave 2 (KA2), cooperación entre organizacións e institucións.

A acción clave 3 (KA3), respaldo ao desenvolvemento de políticas e á cooperación.

Accións Jean Monnet.

En España, o programa Erasmus+ xestiónase por parte do Servizo Español para a Internacionalización da Educación (SEPIE), organismo público adscrito ao Ministerio de Universidades que actúa como Axencia Nacional do programa nos ámbitos da educación e a formación.

O Programa conta cunha dotación económica de máis de 28.000 millóns de euros, que permitirá financiar proxectos de mobilidade e cooperación transfronteiriza relacionados coa aprendizaxe para 10 millóns de persoas de todas as idades e de todas as orixes.

En canto ás súas prioridades:

- Erasmus+ é máis inclusivo: ofrece maiores oportunidades a todo tipo de persoas, incluídas as persoas con orixes culturais, sociais e económicos diversos. Facilitanse os trámites de solicitude para que as organizacións máis pequenas poidan presentar solicitudes, grazas ás asociacións a pequena escala e ao uso de subvencións simplificadas.
- Erasmus+ é máis dixital: Erasmus+ apoia o desenvolvemento de capacidades dixitais, en consonancia co [Plan de Acción de Educación Dixital](#). Ofrece formación e intercambios dixitais de alta calidade a través de plataformas como [eTwinning](#), [School Education Gateway](#) e fomenta os períodos de prácticas no sector dixital.
- Erasmus+ é máis sostible: en consonancia co [Pacto Verde Europeo](#), o Programa promove que os participantes utilicen modos de transporte máis sostibles, como o tren e o autobús. Tamén investirá en proxectos que promovan a sensibilización sobre cuestións ambientais e facilitará os intercambios relacionados coa mitigación da crise climática.

Ademais destas prioridades, o novo Programa caracterizarase por ser aínda máis internacional, permitindo así a cooperación con terceiros países, unha cooperación reservada ata o de agora á Educación Superior e que se amplía aos sectores da Educación Escolar e a Formación Profesional.

Existen oportunidades para estudantes (especial atención a participantes con menos oportunidades), docentes e formadores, tanto para mobilidade para estudos e/ou prácticas no caso de estudantes, como para docencia ou formación no caso de profesorado e formadores.